

Luossabivddu mearreágášaš gieldimis Deanus addojuvvon lága fápmui boahtin maŋŋona – ministeriija doarjala guollebivdiide

Riikkabeavvit dohkkehii dievasčoahkkima nuppi gieđahallamis 31. miessemánus láhkaásahusa, mii gieldá luossabivddu mearreágášaččat Deanus. Cuonómánu ráđđehusa evttohusa attedettiin árvvoštalle, ahte láhka boađášii fápmui geassemánu 1. beaivve. Dálá árvvoštallama mielde láhka boađášii fápmui goittotge easkka 7.6.2022.

Lága fápmuiboahntima maŋŋoneapmi oaivvilda, ahte luossabivdingildosa guoskevaš mearrádusat eai leat vel fámus guollebivdobaji álggus 1. geassemánu. Dán dihtii eana- ja meahccedoalloministeriija doarjala guollebivdiide Deanu luossanáliid suodjaleapmin. Deanu luossanálit leat hedjonan sakka ja árvvoštallamiid mielde buot luossabivdu livčii liigebivdu dál. Mearas johkii gorgnon luossamearri lea nu vuollegaš dál, ahte suvdilis guollebivddu vuolggasajit eai dieva, vaikke guollebivdu ii livčii olláge. Ministeriija sávvá, ahte dili duođalašvuhta áddejuvvo ja vaikke luossabivddu guoskevaš láhka ii leat vel fámus, olbmot eai vuolggášii dál diehtomielalaččat bivdit dahje váldit luosa sálašin.

Eana- ja meahccedoalloministeriija deattuha Suoma ja Norgga gaskasaš ráđđadallamiin olahuvvon Deanu guollebivdobaji 2022 guollebivdoráddjemiid loahppabohtosa. Norggain sohppojuvvon nuppástusat Deanu guollebivdomearrádusaid mielde eará šlájaid go luosa bivddus bohte fápmui stáhtaráđi ásahusain 6.5.2022. Ásahusain fápmui biddjojuvvon beavdegirjji mielde guollebivddus lobálaš bivdoneavvut leat eará go luosa ja vallasa bivdu oaivvilduvvon guolástanbiergasat. Riikkaid gaskka sohppojuvvon luossabivdogildosa guoskevaš mearrádusat leat daid viiodaga dáfus ollašuhttimis Suoma bealde lága dásis eage láivvit ráddjehusain geavadagas lean stáhtaráđi ásahusa bokte. Lágain gildet luossabivddu ja luossabivdu gullevaš gaskaomiid ávkkástallama Deanu čázádagas lagi 2022, vai luossanáliid garra hedjoneami lea vejolaš bissehit ja addit eavttuid luossanáliid ealáskeapmái ja oažžumii suvdilis dássái. Norggas luossabivdogielddus lea juo boahtán fápmui.

Lassin eana- ja meahccedoalloministeriija hálida muittuhit maiddái guollebivdui laktásan birasovddasvástádusa mearkkašumis, mii gokčá ovddasvástádusa luonddus ja dan máŋggahámatvuodas, birrasis ja kulturárbbis. Birrasa suvdilis ávkkástallama vuođđojurdagiid ollašuhttimis galgá váldit vuoiggalaččat vuhtii maiddái boahttevaš sohkabuolvvaid vejolašvuodaid guollebivdui.

Lassedieđut eana- ja meahccedoalloministerijas:

Vesa Ruusila, bivdodoalloráđđi, t. 02951 62051, vesa.ruusila(at)gov.fi
Tapio Hakaste, ráđđadalli virgeolmmoš, t. 02951 62152, tapio.hakaste(at)gov.fi